

Bogga webseedka Tilmaamaha Mashruuca Dhaqaalaha: <https://www.stpaul.gov/departments/planning-and-economic-development/economic-development/sales-tax-revitalization-star-5>

Macluumaad Muhiim ah

Wakhtiga kama dambaysta ah ee Codsiga	Jimcaha, Maarso 13, 2026 4:00 galabnimo.
Wareysiyada Codsadeyaasha	Abriil/Maajo 2026
Wakhtiga ugu horeeya ee Mashruucu Bilaabanayo	Ogoosto 1, 2026
Wakhtiga Ugu dambeeya ee Mashruucu Dhamaanayo	Luuliyo 31, 2028

Isbadalada muhiimka ah ee mudan in la xuso:

Waxaa jiri doona kaliya hal codsi sannadka oo dhan iyo sannadada soo socda.

- Mashaariicda xaq u leh codsigaan waa in la fuliyaa inta u dhexaysa Ogoosto 1, 2026, iyo Luuliyo 31, 2028. Abaalmarinada lama meelmarin doono ilaa laga gaarayo horaanta ilaa dabayaaqada xagaaga, sidaas darteed codsadeyaashu waa inay qorshaystaan wakhtiyaynta mashruucoda magaalada si ay arintaas waafaqsan.

Codsiga Deeqda Ugu yar: \$5,000 (si lamid ah sannadkii hore).

Isbadalka shuruudda iswaafajinta maalgalinta: Iswaafajinta maalgalinta ha-ka-halka ah waxaa kaliya oo ay shuruud u tahay codsiyada deeqaha ka badan \$50,000

Fadlan u daalaco tilmaamahaan si taxadar leh si aad go'aan uga gaarto in kooxdaada iyo mashruucaagu u qalmaan maalgalinta Cultural STAR Program, aadna u baratao qaabka loo codsado.

Kala xiriir shaqaalaheena wixii su'aalo iyo caawimaad ah.

Iskuduwaha Barnaamijka: Jessica Larson Johnston
jessica.larson.johnston@ci.stpaul.mn.us, 651-266-8654

Kaaliyaha Maareeyaha Barnaamijka:

limaylka guud ee Cultural STAR: ped-culturalstar@stpaul.gov

Tafaasiisha Barnaamijka

Ujeedada, Hadafyada Maalgalinta, iyo Istiraatiijiyadaha

Ujeedada maalgelinta [Cultural STAR](#) waa in sare loo qaado awooda dhaqanka iyo kobaca dhaqaalaha, khaastan bartamaha Cultural District (Degamada Dhaqamada), ayadoo la xoojinayo bulshada farshaxanka iyo dhaqanka.

Lacagta Cultural STAR waxaa loogu talagalay in:

- Lagu dhiso la iskuguna keeno dadka loo danleeyahay;
- Sare loo qaado qaybaha kala duwan ee dhaqanka;
- La sameeyo saameyn muddo dheer ah; iyo
- Laga faa'iidaysto taageerada maaliyadeed ee dheeraadka ah.

Barnaamijka Cultural STAR wuxuu ujeedadaas ku gaari doonaa asagoo deeqo iyo deymo siinaya mashaariicda iyo barnaamijyada:

- Soojiidanaya dadka loo danleeyahay;
- Diyaarinaya sidoo kalena hagaajinaya goobaha dhaqamada; iyo
- Dhisaya awoodda farshaxamaysteayaasha iyo ururada dhaqanka.

Goobaha Diiradda la saarayo – Cultural District

Ugu yaraan 80% maalgalinta Cultural STAR waxaa la siin doonaa ururada khayriga ah ee ku yaala aagga bartilmaameedka ah ee loo yaqaano Cultural District ee bartamaha Saint Paul.

20% ka soo hartay ee maalgalinta waxaa loo qorsheynayaa:

- Ganacsiyada faa'iido doonka ah ee laga helo Cultural District si loogu maalgaliyo mashaariicda kor u qaadaya farxadda booqadeyaasha Cultural District; ama
- Ururada khayriga ah ee ku yaala Saint Paul laakiin ka baxsan Cultural District.

[Cultural District](#) waxaa lagu qeexaa aagga dhinaca waqooyi xaduudka kala leh Interstate 94, bariga Lafayette Bridge, koonfurta Harriet iyo Raspberry Islands, galbeedkana Chestnut Road.

Ku yaala **Cultural District** waxaa kamid ah:

- Urur ka diiwaangashan Waaxda Gobolka Minnesota oo leh goob deegaan oo ku taala Cultural District; ama
- Urur dhisme ku leh Cultural District kaasoo leh ujeedo si toos ah ula xiriirta mashruuca Cultural STAR; ama
- Urur haysta kiro ama heshiis kiraysi dhul ku yaala Cultural District kaasoo ujeedadiisu si toos ah ula xiriirto mashruuca Cultural STAR; ama

- Urur haysta oggolaansho ama qandaraas uu ku isticmaali karo Goobaha Dadweynaha ee ku yaala Cultural District ujeedo si toos ah ula xiriirta Mashruuca Cultural STAR.

Ku yaala **Saint Paul** waxaa kamid ah:

- Urur ka diiwaangashan Waaxda Gobolka Minnesota oo leh goob deegaan oo ku taala Saint Paul; ama
- Urur dhisme ku leh Saint Paul kaasoo leh ujeedo si toos ah ula xiriirta mashruuca Cultural STAR; ama
- Urur haysta kiro ama heshiis kiraysi dhul ku yaala Saint Paul kaasoo ujeedadiisu si toos ah ula xiriirto mashruuca Cultural STAR; ama
- Urur haysta oggolaansho ama qandaraas uu ku isticmaali karo Goobaha Dadweynaha ee ku yaala Saint Paul ujeedo si toos ah ula xiriirta Mashruuca Cultural STAR.

Daymaha iyo deeqhuba waxay u diyaarsanyihiin mashaariicda magaalada; deeqaha kaligood waxay u diyaarsan yihiin horumarinta ururada iyo mashaariicda gaarka ah.

Tafaasiisha Barnaamijka Mashruuca Magaalada

Barnaamijka Cultural STAR Capital Project wuxuu bixiyaa deeqo si loo helo ama loo horumariyo hantida muuqata sida dhismeyaasha iyo qalabka. Hawlaha noocaas ah waa inay awood u yeelan karaan saamayn weyn ama muddo dheer ah kharashaadkuna waa inuu noqdaa mid la saadaalin karo.

Qiyaasta Maagalinta Diyaarka u ah 2026

	Wajiga Koowaad	
Gudaha Cultural District	\$	
Ka baxsan Cultural District, sidoo kalena ah ganacsi faa'iido doon ah oo mashaariic ka fuliya Cultural District	\$	

U qalmitaanka

Codsadeyaasha u qalma waxay codsan karaan hal mid kaliya noocyada maalgalinta Cultural District ee soo socota inta lagu jiro waji kasta oo maalgalin ahba: Deeqda Mashruuca Gaarka ah; Dhisidda Awoodda (sida caadiga ah loogu yaqaano Deeqda Horumarinta Ururada); ama Deeqda Mashruuca Magaalada. Deeqaha waxaa la heli karaa hal mar oo kaliya sannad walba.

Ururada khayriga ah ee farshaxanka iyo dhaqamada ee Saint Paul ee ku yaala meel ka baxsan Cultural District waxay codsan karaan laba jeer halkii wajiba waxayna heli karaan maalgelin gaaraysa laba jeer halkii sannoba – halmar mashaariicda ka socota banaanka Cultural District mar kalena mashaariicda ka socota gudaha Cultural District.

Kooxaha codsanaya waa inay noqdaan mid kamid ah kuwa soo socda:

- Ururada khayriga ah iyo kuwa dhaqanka ee ku yaala gudaha magaalada Saint Paul
- Qolo walba oo dowli ah, gaar loo leeyahay oo khayri ah oo ku taala gudaha Magaalada Saint Paul
- Waaxyaha magaalada ama qaybaha ayaa u qalma markay codsanayaan iskaashi ay la yeeshaan urur u qalma

Kuwa soo socda uma qalmaan inay codsadaan:

- Kaniisadaha iyo ururada diimaha
- Xisbiyada siyaasadda iyo kooxaha siyaasadda ka shaqeeya
- Hay'adaha iyo waaxyaha heer federaal, gobol iyo ismaamul

Maalgalinta Mashruuca – Kharashaadka U qalma iyo Shuruudaha Waafajinta

Shuruudaha Codsiga Maalgalinta

- Codsiga deeqda ee ugu yar waa \$5,000. Majiro cadad ugu sareeya oo ah Deeqaha Mashruuca Magaalada.
- Codsiyada deeqaha ee ka sareeya \$50,000 waa in la waafajiyaa halkii doolar ba hal doolar dhamaanba cadadka deeqda. Tusaale ahaan, haddii codsiga deeqdu yahay \$50,500, kharashaadka guud ee mashruuca ee kujira qaybta miisaaniyadda codsiga waxaa looga bahaanayaa inuu muujiyo wadar ugu yaraan gaaraysa \$101,000, oo leh qaaraan maalgalin waafajin hal-ka-hal ah oo laga helayo il kale oo maalgalin ah.
- Dhamaanba mashaariicda horumarinta magaaladu waa inay lahaadaan cid goobta maamulaysa. Arintaan waxay ku imaan kartaa kirada muddada dheer ah (todobo sanno ama ka badan) ama mulkiyadda guriga mashruuca lagu fulinaayo.
- Codsiga kan lamid ah ama islamid ah looma soo gudbisan karo wax ka badan hal mid oo kamid ah barnaamijyada soo socda halkii waji oo maalgalin ahba (sannadkii): barnaamijka Capital Improvement Budgeting (CIB, Miisaaniyadda Horumarinta Magaalada), barnaamijka Neighborhood STAR, iyo barnaamijka Cultural STAR.
- Suurtagal maahan in Guddigu ku taliyo in lagu soo celiyo maalgalinta isla mashruuca wareegyada danbe.
- Codsiyada horumarinta goobaha dadweynaha ee magaalada ee ku qeexan siyaasadaha Magaalada inay yihiin "heerkoodu sareeyo" waxay u baahan doonaan qorshe sharci ku dhisan lana fulinaayo oo ah dayactir iyo/ama shaqo ku saabsan nolol waxtar leh oo horumarin ah.
- Deeqaha Mashruuca Magaaladu ma maalgalin karo horumarinta ururka ama kharashaadka mashaariicda gaarka ah.
- Dadka abaalmarinta la siiyay waa inay ku jiraan qandaraaska mid kamid ah abaalmarinada STAR ee shaqeeya kahor intaysan codsan abaalmarin kale oo STAR ah.

Dhamaanba shuruudaha dhanka sharciga ah ee Magaalada Saint Paul waa in lasoo buuxiyaa, sida:

- Waa in dhismaha si sax ah loo xadeeyaa, taasoo micnaheedu yahay in dhismaha laga rabo inuu u diyaarsanyahay isticmaalka si waafaqsan Sharciga Xadaynta ee Magaalada.
 - Caafimaadka, Badqabka iyo qodobada ADA ee ay waajibinayaan shuruucda dhismeyaasha Magaalada waa in wax laga qabtaa.
 - Dhismeyaasha cusub, dhismeyaashu waa inay ku yaalaan goobo sharci ahaan wax laga dhisi karo.
 - Kahor intaan la sameyn horumarinta haysashada kirada, qofka guriga kiraysanaya waa inuu helaa oggolaansho qoraal ah oo ka socda mulkiilaha dhismaha si horumarin loogu sameeyo.
 - Kahor intaan mashruuca la fulin, dhamaanba oggolaanshaha lagama maarmaanka ah waa in la helaa. Markaa horumarinta la dhamaystiro, codasduhu waa inuu raacaa, dhismuhuna waa inuu buuxiyaa, dhamaanba xeerarka khuseeya, Oggolaanshaha, iyo shuruudaha shatiga. Ugu danbayntii, dhismaha waa in si sax ah loo hubiyaa waana inuu haystaa Shahaadada Degitaanka marka la dhamaystiro, haddii khusayso.
 - Ururada helaaya deequhu waa inay u hogaansamaan shuruucda, xeerarka federaalka, gobolka, iyo deegaanka, iyo nidaamiyeyaasha la xiriira mashruuca, oo ay kamid yihiin laakiin aan ku ekayn, Saint Paul Vendor Outreach Program (VOP), xeerarka shaqaalaha, mushaarka nolosga, kabista ganacsiga, iyo horumarka waara.
- Waa muhiim in la fahmo in shuruudaha u hogaansamidda saamayn ku yeelan karaan habraacyada shaqaalaysiinta iyo sicirka mushaaraadka, si aan balanqaad loo sameyn kahor intaan si buuxda loo fahmin shuruudahaan.**
- **Dadka ka faa'iidayanaya deeqdu waa inay u hogaansamaan shuruucda xaquuqda bulshada ee heer gobol, heer federaal, heer magaalo iyo heer ismaamul ayna hubiyaan inuusan takoor ka dhex dhicin barnaamijyada iyo adeegyada hela maalgalka Magaalada.**

Waa maxay maalgalka baraamijku / qaabka aad u isticmaali karto maalgalka deeqda:

- Kharashaadka tooska ah ee ku baxaya mashruuca magaalada.
- Ilaa 20% maalgalka Cultural STAR ayaa loo isticmaali karaa kharashaadka mashruuca ee tooska ah kuwaasoo sida gaarka ah u khuseeya fulinta mashruuca magaalada, mararka qaarkood waxaa loo yaqaanaa "kharashaadka jilicsan".
 - Tusaalooyinka: Oggolaanshaha dhismaha; kharashka naqshadda; injineeriyadda, tijaabada ciidda, bii'ada, sharciga, dhaqaalaha, shati siinta, iyo kharashka hubinta; kharashka dadka dhisaya; kharashaadka adeega iyo

duminta; rarista adeegyada iyo dhisidda; kharashka dhismaha oo ay kujiraan daynta iyo kharashka dulsaarka ah.

Waxyaabaha uusan barnaamijkaanu maalgalinayn:

- U isticmaalidda maalgalinta STAR si maamusha codsiga STARloo soo diyaariyo codsiga STAR ama soo diyaarinta qolo
- Hawlaha la dhamaystiray kahor taariikhda bilaabashada mashruuca u qalma oo ah Ogoosto 1, 2026, ama kaddib dhamaadka mashruuca u qalma oo ah Luuliyo 31, 2028
- Kharashaadka guud ee shaqada
- Lacagaha shaqaalaha codsadaha kaga shaqaynaya dhismaha ama horumarinta (waxaa loo isticmaali karaa iswaafajin)
- Iska bixinta dayn qofka lagu lahaa
- Mashaariicda horumarinta ee waaweyn (sida, dib u habaynta wadooyinka, shaqada bulaacadda, xarumaha madadaalada, iwm)
- Koobiyaynta mashruuc ama goob hadda Magaalada kajirta
- Mashaariicda ku yaala meel ka baxsan Saint Paul

Qaybinta Maalgalinta / Shuruudaha Waafajinta

- Maalgalinta Cultural STAR waxaa loo qaybin karaa shaqo:
 - La dhameystiray kaddib markii maalgalinta STAR ay ansixiyaan Duqa magaalada iyo Gollaha Deegaanka;
 - Si sax ah loo diyaariyay qaansheegadkooda;
 - Ay la socdaan dukumiintiga waafajinta lacagta lagu bixiyay mashruuca (haddii loo baahdo); iyo
 - Ay meelmarisay HREEO marka la eego buuxinta shuruudaha u hogaansamidda. Maalgalinta daynta Cultural STAR oo leh kirada guryaha iyo/ama heshiiska ammaanka waxay sidoo kale u baahan kartaa ka dhaafista iyo/ama isticmaalka shirkad yar si loo qaybiyo.
- Codsiyada deeqaha Cultural STAR ee ka sareeya \$50,000 waa in la waafajiyaa halkii doolar ba hal doolar dhamaanba cadadka deeqda STAR.
 - Majirto lacag la qaybinaayo ilaa dukumiintiyada la iska rabo is waafaqaan, saami sax ah, la helo lana meelmariyo, hadday khusayso.
 - Ugu yaraan 70% iswaafajinta Mashaariicda Magaaladu waa inay ahaadaan doolar.
 - Ilaa 30% iswaafajintu waxay noqon kartaa mutadawacnimo iyo iskaa wax u qabso. Shaqaalaha mutadawacnimada ah iyo iskaa wax u qabsada waxaa lagu qiimaynayaa \$15.00 saacadii.

- Maalgalinta gaarka loo leeyahay, ismaamulka, gobolka iyo federaalka waa in loo isticmaalo waafajinta.
- Guddiga Cultural STAR waxay awood u leeyihiin inay usoo jeediyaan oggolaanshaha qaaraanada kale ee iswaafajinta ayagoo ku salaynaya xaalad walba gaarkeeda. Guddiga Cultural STAR Board wuxuu xeerin karaa filashooyinka shuruudaha waafajinta xaaladaha inta badan a an caadiga ahayn.

Habraacyada Qiimaynta

Codsiyada barnaamikaan loo soo gudbiyo waxaa lagu qiimeyn doonaa afartaan habraac ee soo socda, mid kastana wuxuu u dhigmaa 5 dhibcood, ayadoo dhibcaha guud ee ka imaan karaa noqonayaan 20 dhibcood:

Saamaynta (5 dhibcood) – Codsiyada wanaagsan waxay gudbin doonaan sida mashruucu faa'iido ugu leeyahay Saint Paul – asagoo kordhinaya adeegsiga qaababka farshaxanka iyo dhaqamada ee kala duwan, wax ka qabanaya baahiyaha dhaqanka, sidoo kalena gaaraya dadka loo danleeyahay.

Ugu wanaagsan (5 dhibcood), Wanaagsan (4 dhibcood), Ku filan (3 dhibcood), Wax la iska weydiin karo (2 dhibcood), U baahan horumarin (1 dhibic)

- Faahfaahiyo dhibaataada, fursadda, ciladda ama baahiyaha horumarintaada/iibsigaaga gurigu ku tala jirto xalinteeda?
- Sababta, marka la eego dhamaanba qaababka kooxdaadu u isticmaali doonto lacagta, ma dooratay mashruucaan? Maxaa kugu riixaya xaaladdaan?
- Sidee wax ka qabashada fursadaan/baahidaan muhiimka ah adoo iibsanaya dhismaha ama horumarinaya ugu leedahay muhiimad, saamayn muddo dheer ah ururkaaga?
- Sidee mashruucani u hagaajinayaa awooda balaarinta ama xoojinta adeegyadaada dhaqanka?
- Sidee lacagta STAR looga faa'idaysan karaa inay noqoto taageero dhaqaale oo dheeraad ah oo laga helo Saint Paul?

Tayada (5 dhibcood) – Codsiyada aadka u wanaagsan waxay qeexayaan hadafyo xoogan iyo qorsheyaal lagu gaarayo si ay u noqdaan mashaariic guulaysta.

Ugu wanaagsan (5 dhibcood), Wanaagsan (4 dhibcood), Ku filan (3 dhibcood), Wax la iska weydiin karo (2 dhibcood), U baahan horumarin (1 dhibic)

- Waa kuwama, yay noqon doonaan, hogaamiyaasha mashruuca iyo farshaxamaystaha? Sidee ayaa lagu doortay, ama lagu dooran doonaa?

- Waa maxay taariikhda ama waaya-aragnimada kooxdaadu, la taliyaashaadu, iyo hogaamiyeyasha mashruucu kusoo kordhinayaan mashruucaan si loo hubiyo tayada?
- Haddii aad iibsanayso qalab, faahfaahi sidii aad kusoo gaartay go'aanka iibsiga qalabkaas.
- Waa maxay yoolalka barnaamijkaagu? Waa maxay natiijada aad qorshaynayso inaad gaarto? Waa maxay hababka aad u adeegsan doonto qiimeynta guusha mashruucaaga? Sidee ku ogaanaysaa markaad dhamaystirtay? Sidee ku ogaanaysaa in mashruucu guulaystay?

Awoodda (5 dhibcood) – Codsiyada ugu wanaagsan waxay faahfaahin ka bixinayaan mashaariicda sida cad u qeexaya qorsheyaal suurtagal ah oo ay ku jiraan cayimista wakhtiga, shaqaalaha, macluumaadka iyo taageerada dhaqaalaha muujinaya in mashruuca loo fulin doono si guul ah.

Ugu wanaagsan (5 dhibcood), Wanaagsan (4 dhibcood), Ku filan (3 dhibcood), Wax la iska weydiin karo (2 dhibcood), U baahan horumarin (1 dhibic)

- Qeex hanaanka qorshaynta ee mashruucaaga.
- Qaabkee guddigaaga agaasinku ama guddiga la taliyeyashu uga qayb qaadan doonaan?
- Waa maxay filashooyinka ururkaagu leeyahay ee muujinaya awoodda inaad mashruucaan si guul ah u dhamaystirayso?
- Waa maxay wakhtiga u cayiman mashruucaaga?
- Waa maxay taageerada kale ee dhaqaale ee aad ka filayso mashruucaan?

Kala duwanaanshaha (5 dhibcood) – Codsiyada ugu wanaagsan waxay faahfahainayaan mashruuc noqonaya mid loo simanyahay ayna u dhanyihiin dadka loo danleeyahay wuxuuna ka qaybqaadanayaa adeegyada kala duwanaanshaha dhaqamada iyo farshaxanka ee Saint Paul.

Ugu wanaagsan (5 dhibcood), Wanaagsan (4 dhibcood), Ku filan (3 dhibcood), Wax la iska weydiin karo (2 dhibcood), U baahan horumarin (1 dhibic)

- Sidee mashruucani wax ugu biirinayaa awoodaada kala duwanaanshaha adeegyada dhaqamada ee Saint Paul?
- Sidee mashruucani u horseedayaa inaad awood sare u yeelato dhisidda iyo iskudhafidda dadka loo danleeyahay?
- Adigoo tixgalinaya yoolalka mashruucaaga, faahfaahi sida iskudhafnaantu uga dhex muuqato mashruucaaga (sida, gudigaaga agaasinka dhexdiisa ama gudigaaga la talinta iyo/ama shaqaalaha mashruuca).

Hanaanka Dib u eegista

Guddiga Cultural STAR

Sagaalka xubnood ee [Guddiga Saint Paul Cultural STAR](#) ayaa ah cidda sida rasmiga ah dib u eegista ugu samaynaysa talooyinka deeqaha loo jeedinayo Duqa magaalada ee ka imaanaya qoondada dhaqanka ee lacagta canshuuraha iibka. Duqa magaaldu wuxuu intaas kaddib talooyinka u gudbinayaa Golaha Deegaanka si ay u ansixiyaan. Guddigu wuxuu ka kooban yahay sagaal xubnood oo uu magacaabay Duqa magaaladu, ayna ansixiyeen Golaha Deegaanka.

Hanaanka Dib u eegista

Hanaanka xulashada soojeedintu waa mid tartan adag uu kajiro. Tirada iyo cadadka deeqaha la gaarayo waxay ku xiranyihiin tayada codsiga iyo maalgalinta loo hayo. Hanaanka dib u eegistu waa sida soo socota:

- Shaqaalaha Magaaladu waxay dib u eegis ku smaayn doonaan u qalmitaanka. Codsiyada aan u qlamin waxaa laga saari doonaa tixgalinta qofka codsiga lehna waa la ogaysiinayaa.
- Guddigu wuxuu codsade walba oo u qalma ku casuum.i doona wareysiga. Codsadeyaasha waxaa lagu wargalin doonaa iimaylka xiliga iyo goobta wareysigu ka dhacayo. Inkastoo aysan waajib ahay, ku guuldaraysiga imaanshaha waraysigu waxay saameyn kartaa dhibcahaaga.
 - Wareysiyada Cultural STAR waa kulamo dadweyne, laakiin majirto markhaati fur dadweyne oo la smaaynayo. Dadka doonaya inay ka hadlaan codsiyada waxaa lagu dhiirigalinayaa inay aragtidooda si qoraal ah ugu soo gudbiyaan shaqaalaha Magaalada kahor intaan wakhtiga codsiga dhamaan.
- Guddigu wuxuu dib u eegis ku samayn doonaa codsiyada asagoo ku salaynaya tilmaamaha banaamijka, habraaca qiimeynta kor ku faahfaahsan, iyo helitaanka deeqda iyo in talooyinka maalgalinta loo gudbiyo Duqa magaalada iyo Golaha Deegaanka.
- Duqa magaaladu wuxuu Golaha Deegaanka usoo gudbin doonaa soojeedinada kama danbaysta ah.
- Golaha Deegaanka wuxuu meelmarin doonaa, diidi doonaa, ama wax ka badali doonaa talooyinka Duqa magaalada.
- Duqa magaaladu wuxuu saxiixi doonaa Qaraarka Golaha.

Hanaanka oo dhan wuxuu sida caadiga ah qaataa qitaastii saddex bilood laga bilaabo markay dhamaato codsashadu ilaa laga gaarayo saxiixa qaraarka ee Duqa magaalada laakiin ka badan ayay qaadan kartaa.

Filashooyinka Ka faa'iidaysteyaasha Daynta iyo Deeqda

Diyaarinta iyo Fulinta Mashruuca

- Kaddib marka uu Golaha Deegaanku ansixiyo talooyinka Duqa magaalada, shaqaaluhu wuxuu ku wargalin doonaa qof walba oo soo codsaday Cultural STAR in mashruucisii malagalin la siiyay iyo in kale, iyo haddii la siiyay, cadadka ay tahay. Waxay sidoo kale dadka la abaalmariyay ku wargalin doonaan kulanka kala warqaadashada ah iyo macluumaadka kale ee qandaraaska khuseeya.
- Kahor intaan la fulin mashruuca codsadhaha, Dowladda hoose ee Saint Paul ayaa qandaraaska galaysa. Qandaraasyada waa in si buuxda loogu fuliyaa lix bilood gudahood marka Golaha Deegaanku ansixiyo. Haddii arintaas lagu guuldaraysto waxaa ka dhalanaysa in la baabi'iyo abaalmarinta. Qandaraaska waxaa kamid noqonaya, ugu yaraan, baaxada adeegyada ay qabanayaan dhinacyada oo dhan, qayb miisaaniyadeed oo faahfaahinaysa dhamaanba ilaha ay ka imaanayaan maalgalinada iyo sida loo isticmaalayo, wakhtiga la fulinayo, iyo shuruudaha iswaafajinta oo ku cad Warbixinta Shaqada. Qandaraaska waxaa loo saxiixi doonaa si waafaqsan siyaasadda Magaalada. Shuruudaha qandaraaska waxaa kamid ah, walow aysan ku ekayn:
 - Qaadashada mas'uuliyadda guud ee caymiska ee caymiska dheeraadka ah u ah Magaalada Saint Paul, taasoo u baahan \$1.5 milyan halkii dhacdaba iyo \$2 milyan cabirada guud ee isugaynta ah
 - Hubinta Magdhowga Shaqaalaha iyo caymiska Mas'uuliyadda Shaqaalaha, ama foom muujinaya sababta ururka looga reebay.
 - U hogaansamidda, meesha ay khusayso, [shuruucda iyo siyaasadhaha federaalka, gobolka iyo deegaanka ee khuseeya isticmaalka maalgalinta, sida cabirada caadiga ah ee mushaaraadka, Hawlaha damaanad qaadka, iyo barnaamijyada shaqaalaha loo danleeyahay.](#) Cadadka abaalmarinta iyo nooca mashruucu (magaalada, mashruuc gaar ah, ama horumaribta urur) ayaa go'aaminaya shuruucda qabanaysa. Shaqaalaha waxaa loo qaban doonaa kulan ku saabsan u hogaansamidda kahor intaan la meelmarin qandaraaska si loo ogaado shuruucda qabanaysa.

Codsadeyaasha Cultural STAR waxaa si xoogan looga digayaa inaysan howlgalin ilaa [shuruudaha u hogaansamidda iyo shuruucda maalgalinta](#) si buuxda ugu fahmayaan.

- Meelmarinta waa inay ku socotaa sida ku cad codsiga. Haddii aan horusocod jirin waxa aka dhalanaysa in maalgalinta lala noqdo.
- Mashaariicdu waa in lagu dhamaystiraa ama ay iskufilnaansho ku gaaraan muddada ku cad heshiiska. Codsiyada kordhinta muddada qandaraaska lama soo dhaweynaayo.

- Warbixinta kama dambaysta ah ee mashruuca ayaa loo baahanyahay si go'aan looga gaaro ilaa iyo inta ay le egtahay guusha mashruucu. Guusha mashruuca waxaa lagu cabirayaa ayadoo lala barbardhigayo natiijada mashruuca laga filayay iyo ujeedooyinka guud ee Barnaamijka STAR. Ururadu uma qalmayaan maalgalinada mustaqbalka ee Cultural STAR ilaa dukumiintiyada laga rabo, oo ay ku jiraan warbixintaan kama danbaysta ah ee mashruuca, laga soo gudbiyo mashaariicdii ugu danbaysay ee soo dhamaatay.

Hanaanka Codsiga

Codsiga waa in lagu soo gudbiyo webseedka codsiyada ee oonleenka ah ee Zoomgrants ugu danbayn 4:00 galabnimo taariikhda kama danabaysta ah. Codsiyada aan xiligaan nasoo gaarin lama aqbali doono.

- Hubi inaad akhriso qayb walba oo codsiga Zoomgrants kamid ah, oo ay kujiraan tilmaamaha, shuruudaha, iwm.
- Codsigaaga waa inaad kusoo dartaa dhamaanba waxyaabaha lagaa doonayo. Waa inaad su'aalaha oo dhan ka jawaabtaa. Waxyaabaha aan dhamaystirnayn ama aan saxda ahayn waxaa ka dhalanaysa in codsigaagu noqdo mid aan u qalmin deeqda.

Kulan kala warqaadasho ah ayaa la qaban doonaa billoowga mar walba oo ay bilaabanayso maalgalinta sannadlaha ah si loo siiyo macluumaadka barnaamijka dadka soo codsanaya.

Ka eeg webseedka xiliyada iyo goobaha: www.stpaul.gov/culturalSTAR

Shaqaalaha magaaladu waxay siin karaan kaalmo farsamo dadka soo codsanaya si ay uga caawiyo hubinta in codsigu noqdo mid dhamaystiran oo awood leh, haddii aad soo codsato marka aad codsiga soo gudbiso, majiri doonaan wax ka badal ama dib u sixid lagu samaynayo oo la aqbalayo.

Erey-bixinada

Mashruuc soo xirmay –Waa mashruuc ay STAR maalgaliso kaasoo dhacay, ayadoo dhamaanba warbixinadii iyo dukumiintiyadii lasoo gudbiyay lana aqbalay, sidoo kalena dhamaanba maalgalintii deeqda ahayd ee uu u qalmay la siiyay qofka deeqda qaadanaayay

Cultural District - Waa aagga Magaalada Saint Paul ay bartamaha magaalada Magaalada Saint Paul ku qeexday kaasoo barnaamijka Cultural STAR bartilmaameedsanayo inuu u baahanyahay 80% maalgalinta aagaas

Maalgaliyaha Maaliyadda – Waa urur aan faa'iido doon ahayn, canshuurta laga dhaafay kaasoo hela deeqda Cultural STAR sidoo kalena maamula arrimaha dhaqaalaha ee mashruuca asagoo wakiil ka ah koox aan haysan canshuur-dhaaf.

Taariikhda Mashruucu bilaabanayo – Waa taariikhda shaqada mashruucu bilaabanayso, iyo taariikhda ama ka danbaysa la ogolaaday in kharashaadka la galay lagu soo dalaco deeqda Cultural STAR

Taariikhda Mahruucu Dhamaanayo – Waa taariikhda mashruuca la dhamaystiray wax dambe oo kharash ahna aan la galin

Warbixinta Shaqada – Waa foom uu buuxiyay qofka deeqda qaadanaya ayna dib u eegis ku sameeyeen oo ay ogolaadeen shaqaalaha Magaaladu kaasoo ku lifaaqan heshiiska deeqda kaasoona faahfaahinaya baaxadda shaqada mashruuca ee la meelmariyay, wakhtiga loo cayimay, goobta iyo miisaaniyadda